

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

**Aliqvot // [Aliquot] Epistolæ Reverendi // Patris Piæ
Memoriæ D. // Martini Lutheri quibusdam Theologis // ad
Augustana comitia Anno 1530 scri//ptæ**

Luther, Martin

[S.I.], 1549

VD16 L 3724

Magistro Philippo confessori Christi, Martyri uero Melanthonis, fratri
charissimo Doctor Martinus Lutherus.

urn:nbn:de:bsz:31-61767

duces. Saluta omnes nostros, Gratia Dei cum omnibus uobis Amen. Ex Eremo. 3. Augusti. 1530.

MAGISTRO PHILIPPO
Confessori Christi, Martyri uero Melan-
thonis, fratri charissimo Doctor
Martinus Lutherus.

Iam habe-
mus satis
causarum
efficienti-
um, nul-
quā enim
non ad-
sunt noui
legis lato-
res.

7.
Gratiam & pacem Christi. Intelligo sane mi-
philippe nolle te contemni à me tuas causas
finales traditionū. Quare contra ego quo-
q; protestor, primum, nolle etiam me contemni à te
causas meas efficienes traditionum. Sensibus hæc
imis res est non parua reponas. Nihil est quod fi-
nales causas quis iactet, si nulla sit efficiens, hoc no-
sti. Quare cum neq; principes neq; Episcopi potes-
statem habeant, traditiones in Ecclesia statuendi,
nihil est quod iacent, pium esse, licitum esse, exer-
citum esse, Eucharistiam esse, disciplinam esse, De-
us ista non curat, sed mandatū suū exigit. Adempta
igitur causa efficiente, non potest resisti istis abomi-
nationibus Antichristi, cum dicat hoc pium, hoc lici-
tum est. Quis enim hic erit index? quis definitor?
Exempla adsunt quæ urgebunt et facile obtinebūt,
pium erat filium immolari exemplo Abrahæ, pium
erat, ait Muncerus, occidere reges Canaā et amor-
reos, Ergo occidamus et cæte: Igitur à causa effici-
te non discedo, hoc primum. Secun-

Secundo, Causæ tuæ finales sunt omnes impos-
sibiles, Nam si quæram, quæ sunt illa pia uel licita
per traditiones statuenda, dices Eucharistia, disci-
plina &c. At hæc iam uerbo diuino sunt statuta,
præcepit enim Deus orare, prædicare, gratias age-
re, exercere carnem, erudire populum & pueros.
Da igitur mihi opus aliquod traditionibus subic-
tum. An purgatorium, peregrinationes, fraterni-
tates, sanctorum cultum dabis? Hæc scilicet sunt
extra uerbum Dei, At simul impia quoq;
Nullum igitur cum sit opus, quod traditio possit de nouo
statuere, consequens est, ut opus iam diuinitus præ-
ceptum apprehendat, & ueluti prædicamentum
substantiæ præsupponat, quod postea solemniset, ut
aiunt, & uestiat quantitate, qualitate, ubi, quando,
ad aliquid. Ut gratias agere est opus traditionis,
Immo non traditionis sed præcepti diuini, fit uero
traditionis, dum ea dictat, hac hora, hoc loco, hac
uoce, tanta mora, hoc habitu, hoc gestu uolumus id
efficere. At hæc prædicamenta accidentium in
operibus suis, Deus uoluit esse libera & uera acci-
dencia, nequaquam uero substantiam.

Iam redit disputatio ad circulum suū, quo nec
ipsa accidentia ullus potest alijs imponere nisi iussus
& causa efficiens à Deo uocatus, sicut, si quis loqui-
tur et ministrat tanquā uerbo et uirtute dei. Hæc de

traditionibus sentio, uerum an te & tua intelligam
nescio. Quod traditionibus misces εθελοθρεκσηφαρ
in tuo Bernardo quem ponis recte sentientem, &
tamen eligere certum ieunium pro gratijs agendis
hoc non uoco traditionem à potestate statutam, sed
electriciam priuati hominis operationem. De quo
sic arbitror, quod non liceat Bernardo tale ieuni-
um uel ordinem eligere. Derogaret enim hæc sin-
gularitas uel ordo cæteris ordinibus & operibus
DEI, cum omnia nostra fieri debeant in nomine
Christi & ad gloriam Dei. Illa uero singularitas
obscuraret hæc omnia exemplo periculoſo et sca-
nдало imperitis noxio, & (ſicut scripture loquitur)
offendiculo coram cæcis. Quanquam si etiam hoc
scandalum toleraretur eo remedio temperatum,
quod ſimul doceretur iuxta hunc Bernhardi ordi-
nem (ſicut oportet doceri) multo sanctiorem eſſe
ordinem quemlibet DEI ut coniugum, ſeruorum,
parentum, liberorem ordinem, & multo aptiorem
ad gratias agendas, & DEO millies probatiorem
quam iſtum singularem et electricum, non eſſet me-
tuendum iſtam Ethelothreskiam præualitaram, Sed
hæc extra causam.

Summa hæc eſt non licere λατερφαρ ullam eli-
gere aut inuenire abſq; expresso mandato Dei &
certo uerbo. Sic enim haec tenus docuimus & recte,

Quid

Quid uero aliud esset ille ordo Bernardi quam ue-
ra λατερα quædam ultra et præter quas Deus præ-
cepit prorsus electicia?

Hæc accipe à me ut diuinante de tua senten-
cia magis quam perspiciente, forte alijs sum distra-
ctus cogitationibus, ut tua minus uideam, Alioqui
mibi mirum est, cur talia quasi ignarus queras,
cum sciam te optime omnia nostra intelligere. Ego
puto in his sufficere causam efficientē, scilicet quod
Bernardus non debeat talem cultum eligere aut se-
qui, quia non est ad hoc uocatus, nec habet uerbum
Dei, per quod fiat efficiens causa, alioqui cultus ip-
se & finalis causa per se esse sancta, si uerbo
DEI mandaretur. Hoc est mea opinione fieret
causa efficiente uere Sancta. 4. Augusti. 1530.

DOCT. MART. LVTHER.

ad Philip. Melan.

DE legibus difficilima omnium questio à
multis uarie tentata, à nemine unquam ex-
pedita, hoc facit primum imperfecta no-
ticia Spiritus, deinde malicia humana.

8.

B 3

Efficiens,